

軍 事

三百五十四

九月

營防已苦不敷分布又皆散紮邊隅山路崎嶇咄嗟殊難應調倉猝招募不特未易成軍而軍火多由各省協購亦苦有兵無械事機危迫介在呼吸稍一遲迴橫生枝節幸各該員紳均能以大局爲念各竭心力共戴全功兵勇用至五十餘營團丁又萬餘衆竭蹶可知保全不少則後路各地方官紳之勞勩亦均有足多者至如臨城既復匪黨熊占沅黃順英廖福向正龍向得珠鄒小四鄒小六陳永靖等猶復竄伏東山官廳及江外各土司糾合餘黨圖煽死灰而郭六大憩乃以漏網游魂甚且潛糾死黨撲攻通海數月以來亦經各該文武拿辦無遺現在兵燹之區並經善後各員查勘賑撫次第復業鐵路洋員工匠及教士教民均安堵如常地方一律肅清據該司局核明開單彙詳請 奏前來臣等覆查此一役也肇端雖微所關滋大倘稍赴機遲滯必致糜爛不堪如再千連外人更覺收拾不易茲該文武員紳等或在前敵用命或在後路嚴防或守禦不憚辛勤或輓輸不避艱險均屬同仇敵愾異常出力謹另繕清單恭呈 御覽合無仰懇 天恩俯准照請獎敘以昭激勵出自逾格

鴻慈謹 奏

署雲貴總督丁等奏滇邊廣南一帶股匪下竄滇軍出境助剿片

再查滇邊廣南一帶游氛平靖而股匪下竄四邑空虛准兩廣督臣岑春煊咨商飭派知縣

王鎮邦督率武威各營出境助剿由羅平及粵西之古漳進紮西隆州城前經附片詳陳欽奉 硃批仍著督飭各軍迅速防剿以靖地方欽此欽遵恭錄行知在案數月以來廣南富州等處匪踪淨盡商販行旅往來如常民情亦安堪以仰慰 宸厪並迭據該員王鎮邦西隆州知州賴宏先後稟電該營到西隆後派隊往捕匪均避匿當將被擄牲畜器械奪回給領即撥副中營駐防州屬龍窩場等處中營駐防克場巴等旋馳赴西林縣屬那勞寨與縣紳候選道岑毓祥晤商辦法十一月二十七日探聞州屬苗冲三分地方有苗匪李朝富等勾結遊匪肆行剽掠并欲撲犯該營當派武衛營左哨弁陳昺暘後哨弁田興雲及那勞團練由副中營管帶董超督率於二十九日馳赴該處會合濟字等營相機進剿匪黨開礮拒敵至日晡斬獲無算匪勢蹙敗遁該管帶等當將匪巢焚毀復槍斃悍目梁七大亡生擒李肇慶一名奪獲快槍六支南防右營管帶黃鳳圖亦於十二月初六日在坡牙遇賊截戰陣斬為首悍匪三名經團甲認識其一為土匪首謝亞幅初八日又於那下寨槍斃匪首何四及餘匪數十人據村民馳報土壩長洞有游土匪數十人欲圖盤踞該督帶立派兵團馳往十三日未刻行至阿駝村適與匪遇當即開槍轟擊匪敗奔對門山麓據險扼守我兵分投圍攻持至夜分匪乘勢突圍而走沿途追擊槍斃無數生擒逃勇陳加祥土匪章六受

軍事

三百五十六

九月

將近馬憂寨中營哨弁楊敦仁朱祥等伏路截擊又槍斃十餘名生擒匪目吳在沅王岡鮮黃亞佑等奪獲快槍逼碼多件餘匪潰散十五哨弁趙學元等復搜獲偽大王黃二即黃卜順又名黃秉忠游目劉元辰何老王岑順禾吳開發吳世太農卜吼等名其悍匪唐十二黃五肥等均紛紛竄逸自餘零星小股陸續搜搜擊漏網無多並皆會同署廣西西隆州知州賴宏訊明正法隨時電稟到臣均經遵旨嚴飭認真防剿務淨根株以清地方王鎮邦乃於十二月二十三日率帶中哨並武威後營由州開赴泗城與署知府龍濟光會商剿辦自本年二月以來西隆西林鎮邊等州縣屬境已無匪踪現在匪勢趨重下游泗城以西賊蹤以絕准兩廣督臣岑春煊電商泗邑情勢較鬆該軍未便久暴於外自應飭令開拔回防以固邊圉其西隆等處飭由三省邊防營務總辦道員謝汝欽派撥兵團填紮茲據該督帶等稟報開拔回防等情臣等竊查西隆一隅爲桂省邊遠之區頻年被游土各匪勾結滋擾民不聊生該處營防復不得力以致日益糜爛此次該員王鎮邦奉派督同管帶李德泳董超黃鳳圖等率隊出境助剿乘時搜擊頗能不分畛域認真辦理實屬異常奮勉現在泗城與滇邱北羅平一帶亦已肅清王鎮邦督率李德泳等回紮原防古障央革馬蚌三江口等處由雲南善後局營務處司道劉春霖等詳請具奏前來臣等覆查無異相應附片陳明再

廣南派出督帶陸朝珍王國賓等四營自去冬至今在百色鎮邊西林等處剿捕土游各匪亦屢有斬獲均經三省營務處道員謝汝欽電稟在案現因泗色一帶粵軍不敷防布兩廣督臣岑春煊及謝汝欽電請由滇添派兩營現又派出兩營合之陸朝珍等四營共計六營仍駐粵境會剿一切情形應由兩廣督撫臣查明陳奏合併聲明謹 奏

署雲貴總督丁雲南巡撫林會奏釐剔防營積弊派弁教練新操擬定章程摺

見後程

竊維防營積弊日甚一日非隨時整飭更無以備緩急之用查滇省各營哨弁向歸營務處派充其營官之不肖者或尙不無顧忌弊端雖未能盡絕時因有所牽制未敢肆行嗣乃藉口哨弁非自揀派呼應不靈改由各營官自行選弁稟委意以謂可收臂指之益實則通同一氣祇便私圖缺額餉蝕賄屬請託皆視若固然毫無忌憚及遇差操則紛紛雇人頂替中輟與否合格與否漠然不關於心雖記過申飭敷衍如昔怠玩操防種種欺飾實與綠營積習無異設遇戰事其何以堪前年廣南販普之役各營兵勇聞警輒逃良有以也臣廉得其情特爲明定章程與該員弁更始期於耳目心志煥然一新並飭營務處於武備新操兩學堂考選熟習測量槍法較準之員生每營委往一名充當哨弁兼令教習新操將該營原派之弁撤去一名即飭該員生認真稽查教練務令人皆足數日卽精銳斷不許通同舞弊此